



Et postquam consummati sunt dies octo ut circumcidereetur puer: vocatum est nomen eius JESUS, quod vocatum est ab Angelo priusquam in utero conciperetur. Luc. II, 21.

In Circumcisione Domini et Octava Nativitatis. Duplex ij. classis.

IN I. VESPERIS.

Añæ et Capit. de Laudibus. 328. Pss. ut in Festis B. M. V. per Annum. [191]

Hymnus.

Jesu Redemptor omnium,
Quem lucis ante originem

Parem Paternæ gloriæ
Pater supremus edidit.

Tu lumen, et splendor
Patris,

Tu spes perennis omnium,

Intende quas fundunt
preces

Tui per orbem servuli.

Meménto, rerum Conditor,

Nostrum quod olim corporis,
Sacra ab alvo Virginis
Nascendo, formam sum-
pseris.

Testátur hoc præsens dies,
Currens per anni circum-
lum,

Quod solus e sinu Patris
Mundi salus adveneris.

Hunc castra, tellus, æquora,
Hunc omne, quod cælo
subest,

Salutis Auctorem novæ
Novo salutis canticò.

Et nos, beata quos sacri
Rigavit unda sanguinis;
Natalis ob diem tui
Hymni tributum solvi-
mus.

Jesu, tibi sit gloria,
Qui natus es de Virgine,
Cum Patre, et almo Spiritu,
In sempiterna sæcula.

Amen.

V. Verbum caro factum
est, alleluia. **R.** Et habi-
tavit in nobis, alleluia.

Ad Magnif. Añæ. Propter
nimiam caritatem suam,
qua dilexit nos Deus, Fi-
lium suum misit in simili-
tudinem carnis peccati,
alleluia.

Oratio.

Deus, qui salutis ætér-
næ, beatae Mariæ vir-
ginitate fecunda, humá-
no generi præmia præ-
stitisti: tribue quæsumus,
ut ipsam pro nobis inter-
cedere sentiamus, per
quam meruimus auctorem
vitæ suscipere Dominum
nostrum Jesum Christum
Filium tuum. Qui tecum
vivit et regnat.

**Et non fit aliqua Com-
memoratio.**

AD MATUTINUM.

Invitatorium. Christus natus est nobis, * Venite adorémus. *Ps. Venite. 2.*

Hymnus ut supra. 317.

In I. Nocturno.

Añã. Dóminus dixit * ad me : Fílius meus es tu, ego hódie genui te.

Psalmus ij.

Uare fremuerunt Gentes, * et pópuli meditáti sunt inánia?

Astiterunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cœlis iridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptū ejus.

Dóminus dixit ad me : * Fílius meus es tu, ego hódie genui te.

Póstula a me, et dabo tibi Gentes hereditátem tuam, * et possessiónem tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudímini qui judicátis terram.

Servíte Dómino in timóre : * et exsultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Añã. Dóminus dixit ad me : Fílius meus es tu, ego hódie genui te.

Añã. In sole pósuit * tabernáculum suum : et ipse tamquam sponsus procedens de thálamó suo.

Psalmus xvij.

Cœli enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse

tamquam sponsus procedens de thálamó suo :

Exsultávit ut gigas ad curréndam viam, * a summo cœlo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta convertens ánimas : * testimónium Dómini fidéle, sapiéntiam præstans parvulis.

Justítie Dómini rectæ, lætificántes corda : * præcéptum Dómini lúcidum, illúminans óculos.

Timor Dómini sanctus, pérmanens in sæculum sæculi : * judícia Dñi vera, justificáta in semetípsa.

Desiderábilia super aurum et lápidem pretiósium multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit ? ab occúltis meis munda me : * et ab aliénis parce servo tuo.

Si mei non fúerint domináti, tunc immaculátus ero : * et emundábor a delicto máximo.

Et erunt ut compláceant elóquia oris mei : * et me-

ditátio cordis mei in conspéctu tuo semper.

Dómine adjútor meus, * et redemptor meus.

Añã. In sole pósuit tabernáculum suum : et ipse tamquam sponsus procedens de thálamó suo.

Añã. Elevámini * portæ æternáles, et introíbit Rex glóriæ.

Psalmus xvij.

Domini est terra, et plenitúdo ejus : * orbis terrárum, et univérsi qui hábitant in eo.

Quia ipse super mária fundávit eum : * et super flúmina præparávit eum.

Quis ascendet in montem Dómini ? * aut quis stabit in loco sancto ejus ?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex gló-

riæ? * Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Añã. Elevámini portæ æternáles, et introíbit Rex glóriæ.

V. Tamquam sponsus. **R.** Dóminus procedens de thálamo suo.

De Epístola beáti Pauli Apóstoli ad Romános.

Lectio j. Cap. iij. et iv.

Euid ergo ámplius Judæo est? aut quæ utilitas circumcisiónis? Multum per omnem modum. Primum quidem quia crédita sunt illis elóquia Dei. Quid enim si quidam illórum non crediderunt? Numquid incredúlitas illórum fidem Dei evacuábit? Absit. Est autem Deus verax : omnis autem homo mendax, sicut scriptum est : Ut justificéris in sermónibus tuis : et vincas cum judicáris. Si autem iniquitas nostra justítiam Dei comméndat, quid dicémus? Numquid iníquus est Deus, qui infert

iram? (secúndum hóminem dico.) Absit. Alióquin quómodo judicábit Deus hunc mundum?

R. Ecce Agnus Dei, ecce qui tollit peccáta mundi : ecce de quo dicébam vobis : Qui post me venit, ante me factus est : * Cujus non sum dignus corrigiam calceaménti sólvere.

V. Qui de terra est, de terra lóquitur : qui de cælo venit, super omnes est. — Cujus.

Lectio ij.

AN Judæórum Deus tantum? nonne et Géntium? Imo et Géntium. Quóniam quidem unus est Deus, qui justificat circumcisiónem ex fide, et præpútium per fidem. Legem ergo destrúimus per fidem? Absit : sed legem statúimus. Quid ergo dicémus invenisse Abraham patrem nostrum secúndum carnem? Si enim Abraham ex opéribus justificátus est, habet glóriam, sed non apud Deum. Quid enim dicit Scriptúra? Crédidit Abraham Deo : et reputátum est illi ad justítiam. Ei autem, qui operátur, merces non impútatúr secúndum grátiam, sed secúndum débitum. Ei

vero, qui non operátur, credénti autem in eum, qui justificat impium, reputátur fides ejus ad justítiam secúndum propósitum grátiae Dei. Sicut et David dicit beatitúdinem hóminis, cui Deus accépto fert justítiam sine opéribus : Beáti, quorum remissæ sunt iniquitates, et quorum tecta sunt peccáta.

R. Dies sanctificátus illúxit nobis : venite Gentes, et adoráte Dóminum : * Quia hódie descendit lux magna in terris. **V.** Hæc dies quam fecit Dóminus, exsultémus et lætémur in ea. — Quia.

Lectio iij.

BEatitúdo ergo hæc in circumcisióne tantum manet, an étiam in præpútio? Dicimus enim quia reputáta est Abraham fides ad justítiam. Quómodo ergo reputáta est? in circumcisióne, an in præpútio? Non in circumcisióne, sed in præpútio. Et signum accépit circumcisiónis, signáculum justítiae fidei, quæ est in præpútio : ut sit pater ómnium credéntium per præpútium, ut reputétur et illis ad justítiam : et sit pater circumcisiónis non

iis tantum qui sunt ex circumcisióne, sed et iis qui sectántur vestigia fidei, quæ est in præpútio patris nostri Abrahamæ.

R. Benedictus qui venit in nómine Dómini, Deus Dóminus, et illúxit nobis : * Allelúia, allelúia. **V.** Hæc dies quam fecit Dóminus, exsultémus et lætémur in ea. — Allelúia. **Gloria Patri.** Allelúia.

In II. Nocturno.

Añã. Speciósus forma * præ filiis hóminum, diffúsa est grátia in lábiis tuis.

Psalmus pñb.

Ructávit cor meum verbum bonum : * dico ego ópera mea

Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * propterea benedíxit te Deus in ætérnum.

Accingere gládio tuo super femur tuum, * potentissime,

Spécie tua et pulchritúdine tua * inténde, prospere procéde, et regna,

Propter veritátem et mansuetúdinem, et justítiam : * et dedúcet te mirábiliter dextera tua.

Sagittæ tuæ acutæ, pópuli sub te cadent, * in corda inimicórum Regis.

Sedes tua Deus in sæculum sæculi : * virga directiónis virga regni tui.

Dilexisti justitiam, et odisti iniquitatem : * propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectaverunt te filia regum in honóre tuo.

Astitit regína a dextris tuis in vestitu deaurato : * circumdata varietate.

Audi filia, et vide, et inclina aurem tuam : * et obliviscere pópulum tuum et domum patris tui.

Et concupiscet Rex decorem tuum : * quóniam ipse est Dóminus Deus tuus, et adorábunt eum.

Et filia Tyri in munéribus * vultum tuum deprecabuntur : omnes dívites plebis.

Omnis glória ejus filia Regis ab intus, * in fimbriis áureis circumamicta varietatibus.

Adducéntur Regi virgines post eam : * proximæ ejus afferéntur tibi.

Afferéntur in lætitia et

exsultatióne : * adducéntur in templum Regis.

Pro pátribus tuis nati sunt tibi filii : * constitues eos príncipes super omnem terram.

Mémores erunt nóminis tui * in omni generatióne et generatióne.

Propterea pópuli confitebúntur tibi in ætérnum : * et in sæculum sæculi.

Añã. Speciosus forma præ filiis hóminum, diffusa est grátia in lábiis tuis.

Añã. Homo natus * est in ea, et ipse fundávit eam Altíssimus.

Psalmus lxxvij.

Fundaménta ejus in móntibus sanctis : * diligit Dóminus portas Sion super ómnia tabernacula Jacob.

Gloriosa dicta sunt de te, * civitas Dei.

Memor ero Rahab, et Babylonis * sciéntium me.

Ecce alienigenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit inscripturis populórum, et príncipum : * horum, qui fuérunt in ea.

Sicut lætántium ómnium * habitatio est in te.

Añã. Homo natus est in ea, et ipse fundávit eam Altíssimus.

Añã. Exsultábunt ómnia ligna, * silvárum ante faciem Dómini, quóniam venit.

Psalmus xcv.

Cantáte Dómino cánticum novum : * cántate Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter Gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii Géntium dæmónia : * Dóminus autem cœlos fecit.

Confessio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino pátriæ Géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte

Dóminum in átrio sancto ejus.

Commovéatur a fácie ejus univérsta terra : * dicite in Géntibus quia Dóminus regnávit.

Etenim corréxit orbem terræ qui non commovébitur : * judicábit pópulos in æquitáte.

Læténtur cœli, et exsultet terra, commovéatur mare, et plenitúdo ejus : * gaudébunt campi, et ómnia, quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritate sua.

Añã. Exsultábunt ómnia ligna silvárum ante faciem Dómini, quóniam venit.

V. Speciosus forma præ filiis hóminum. **R.** Diffusa est grátia in lábiis tuis.

Sermo sancti Leónis Papæ. **Serm. vij. de Nativit. Dñi.**

LECTIO III.



Estivitátis hodiernæ, dilectissimi, verus venerátor est, et pius cultor, qui nec de incarnatióne Dómini aliquid falsum, nec de Deitate aliquid sentit in-

dignum. Paris enim periculi malum est, si illi aut naturæ nostræ veritas, aut Paternæ gloriæ negatur æqualitas. Cum ergo ad intelligendum sacramentum nativitatis Christi, qua de matre virgine est ortus, accedimus, abigatur procul terrenarum caligo rationum, et ab illuminatæ fidei oculo mundanæ sapientiae fumus abscedat.

R. Congratulamini mihi omnes, qui diligitis Dominum : * Quia cum essem parvula, placui Altissimo, et de meis visceribus genui Deum et hominem. **V.** Beatam me dicent omnes generationes, quia ancillam humilem respexit Deus. — Quia.

Lectio v.

Divina est enim auctoritas, cui credimus : divina est doctrina, quam sequimur. Quoniam sive legis testamenti, sive oraculis Prophetarum, sive evangelicæ tubæ interiorum admovere auctum ; verum est, quod Joannes plenus Spiritu sancto intonuit : In principio erat Verbum, et Verbum erat apud Deum, et Deus erat Verbum. Hoc

erat in principio apud Deum. Omnia per ipsum facta sunt, et sine ipso factum est nihil. Et similiter verum est, quod idem prædicator adjecit : Verbum caro factum est, et habitavit in nobis : et vidimus gloriam ejus, gloriam quasi unigeniti a Patre.

R. Confirmatum est cor Virginis, in quo divina mysteria Angelo nuntiante concepit : tunc speciosum forma præ filiis hominum castis suscepit visceribus : * Et benedicta in æternum, Deum nobis protulit et hominem. **V.** Domus pudici pectoris, templum repente fit Dei, intacta nesciens virum, verbo concepit Filium. — Et benedicta.

Lectio vj.

In utraque ergo natura idem est Dei Filius, nostra suscipiens, et propria non amittens : in homine hominem renovans, in se incommutabilis perseverans. Deditas enim, quæ illi cum Patre communis est, nullum detrimentum omnipotentiae subiit, nec Dei formam servi forma violavit : quia summa et sempiterna essentia, quæ se ad humani generis in-

clinavit salutem, nos quidem in suam gloriam transtulit, sed quod erat, esse non destitit. Unde cum Unigenitus Dei minorem se Patre confitetur, cui se dicit æqualem, veritatem in se formæ utriusque demonstrat : ut et humanam probet imparitatem, et divinam declaret æqualitatem.

R. Benedicta et venerabilis es Virgo Maria, quæ sine tactu pudoris inventa es mater Salvatoris : * Jacēbat in præsepio, et fulgebat in celo. **V.** Domine audivi auditum tuum, et timui : consideravi opera tua, et expavi : in medio duorum animalium. — Jacēbat. **Gloria.** Jacēbat.

In III. Nocturno.

Añ. In principio, * et ante sæcula Deus erat Verbum, et ipse natus est hodie Salvator mundi.

Psalmus cxxvj.

Dominus regnavit, exsultet terra : * lætentur insulæ multæ.

Nubes, et caligo in circuitu ejus : * justitia, et iudicium correctio sedis ejus.

Ignis ante ipsum præcedet, * et inflammabit in circuitu inimicos ejus.

Illuxerunt fulgura ejus orbi terræ : * vidit, et commota est terra.

Montes, sicut cera fluxerunt a facie Domini : * a facie Domini omnis terra.

Annuntia verunt cœli iustitiam ejus : * et viderunt omnes populi gloriam ejus.

Confundantur omnes, qui adorant sculptilia : * et qui gloriantur in simulacris suis.

Adorate eum omnes Angeli ejus : * audivit, et lætata est Sion.

Et exsultaverunt filiae Judæ, * propter iudicia tua Domine :

Quoniam tu Dominus Altissimus super omnem terram : * nimis exaltatus es super omnes deos.

Qui diligitis Dominum, odite malum : * custodit Dominus animas sanctorum suorum, de manu peccatoris liberabit eos.

Lux orta est justo, * et rectis corde lætitia.

Lætamiini justii in Domino : * et confitemini memoriæ sanctificationis ejus.

Añ. In principio, et ante sæcula Deus erat Verbum, et ipse natus est hodie Salvator mundi.

Añā. Ante luciferum gé-
nitus, * et ante sæcula,
Dóminus Salvátor noster
hódie nasci dignátus est.

Psalmus cxvij.

Cantáte Dómino canti-
cum novum : * quia
mirabilia fecit.

Salvavit sibi dextera
ejus : * et bráchium san-
ctum ejus.

Notum fecit Dóminus sa-
lutáre suum : * in con-
spéctu Géntium revelávit
justítiam suam.

Recordátus est miseri-
córdiæ suæ, * et veritátis
suæ dómui Israel.

Viderunt omnes términi
terræ * salutáre Dei nostri.
Jubiláte Deo omnis ter-
ra : * cantáte, et exsultáte,
et psállite.

Psállite Dómino in cí-
thara, in cíthara et voce
psalmi : * in tubis ductíli-
bus, et voce tubæ cór-
neæ.

Jubiláte in conspéctu
Regis Dómini : * moveá-
tur mare, et plenitúdo ejus :
orbis terrárum, et qui há-
bitant in eo.

Flúmina plaudent manu,
simul montes exsultábunt
a conspéctu Dómini : *
quóniam venit judicáre
terram.

Judicábit orbem terrá-

rum in justítia, * et pópu-
los in æquitáte.

Añā. Ante luciferum gé-
nitus, et ante sæcula, Dó-
minus Salvátor noster hó-
die nasci dignátus est.

Añā. Nato Dómino *
Angelórum chorus cané-
bat, dicens : Salus Deo
nostro, sedénti super thro-
num, et Agno.

Psalmus cxliij.

Dominus regnávít, ira-
scántur pópuli : *
qui sedet super Chérubim,
moveátur terra.

Dóminus in Sion ma-
gnus : * et excélsus super
omnes pópulos.

Confiteántur nómini tuo
magno : quóniam terríbi-
le, et sanctum est : * et ho-
nor Regis judícium díli-
git.

Tu parásti directiónes : *
judícium et justítiam in
Jacob tu fecísti.

Exaltáte Dóminum Deum
nostrum, et adoráte scabél-
lum pedum ejus : * quó-
niam sanctum est.

Móyses, et Aaron in sa-
cerdótibus ejus : * et Sá-
muel inter eos, qui ínvo-
cant nomen ejus :

Invocabant Dóminum,
et ipse exaudiébat eos : *
in colúmna nubis loque-
bátur eos.

Custodiébant testimónia
ejus, * et præcéptum quod
dedit illis.

Dómine Deus noster tu
exaudiébas eos : * Deus tu
propítius fuísti eis, et ulcí-
scens in omnes adinven-
tiónes eórum.

Exaltáte Dóminum Deum
nostrum, et adoráte in
monte sancto ejus : * quó-
niam sanctus Dóminus
Deus noster.

Añā. Nato Dómino An-
gelórum chorus canébat,
dicens : Salus Deo nostro,
sedénti super thronum,
et Agno.

V. Notum fecit Dómi-
nus, allelúia. **R.** Salutáre
suum, allelúia.

Léctio sancti Evangélii
secúndum Lucam.

Lectio vij. Cap. ij. c

In illo témpore : Post-
quam consummáti sunt
dies octo, ut circumcide-
rétur puer : vocátum est
nomen ejus Jesus. Et ré-
liqua.

Homília sancti Ambrósii
Epíscopi.

**Lib. 2. in cap. ij. Lucae,
circa medium.**

Circumcíditur íta-
que puer. Quis est
iste puer, nisi ille,
de quo dictum est : Puer
natus est nobis, fílius da-

tus est nobis? Factus est
enim sub lege, ut eos, qui
sub lege essent, lucifáceret.
Ut sístent eum Dó-
mino. Quid sit autem in
Jerúsalem sisti Dómino,
dicerem, nisi in Isaíæ
comméntis ante dixissem.
Circumcísus enim vítiis,
Dómínico dignus judicá-
tur obtútu : quia óculi
Dómini super justos. Vides
omnem legis véteris sé-
riem fuísse typum futúri :
nam et circumcísio pur-
gatiónem significat deli-
ctórum.

R. Sancta et immaculáta
virgínitas, quibus te láudi-
bus éfferam néscio : * Quia
quem cœli cápere non pó-
terant, tuo grémio contu-
lísti. **V.** Benedícta tu in
mulieribus, et benedíctus
fructus ventris tui. —
Quia.

Bened. Divínium auxili-
um.

Lectio viij.

SED quóniam prona
quadam cupiditate
peccánda, humanæ carnis
et mentis fragílitas inex-
tricabilibus vítiis impli-
cátur, eo per octávum cir-
cumcisiónis diem culpæ
totíus futúra purgatio, re-
surrectiόνis præfigurabá-
tur ætáte. Hoc est enim

illud : Quia omne masculinum adapériens vulvam, sanctum Dómino vocábitur. Verbis enim legis promittebátur Virginitatis partus. Et vere sanctus, quia immaculátus. Dénique ipsum esse, qui lege signétur, in eúdem modum ab Angelo repetita verba declárant: Quod nascétur, inquit, Sanctum, vocábitur Fílius Dei.

✠. Nésciens mater virgo virum, péperit sine dolore: * Salvatórem sæculórum, ipsum Regem Angelórum, sola virgo lactábat úbere de cælo pleno. ✠. Domus pudíci pectoris, templum repénite fit Dei: intácta nésciens virum, verbo concépit Fílium. — Salvatórem. Glória. Salvatórem.

Lectio ix.

Solus enim per ómnia ex natis de fémina sanctus Dóminus Jesus, qui terrénæ contágia corruptélae, immaculáti partus novitáte non sénserit, et cœlesti majestáte depúlerit. Nam si lítteram sequámur: quómodo sanctus omnis másculus, cum multis sceleratíssimos fuisse non láteat? Numquid sanctus Achab? Numquid sancti pseudopro-

phétæ, quos ad Elíæ preces ultor cœlestis injúriæ ignis absúmpsit? Sed ille sanctus, quem in figúra futúri mystérii pia legis divínæ præscripta signábant: eo quod solus sanctæ Ecclésiæ virginitatis ad generandos pópulos Dei, immaculátæ fecunditátis aperiret genitále secretum. **Te Deum. 20.**

**AD LAUDES,
et per Horas, Añæ.**

1. O admirábile commercium: * Créator géneris humáni, animátum corpus sumens, de Virgine nasci dignátus est: et procedens homo sine sémine, largítus est nobis suam Deitátem.

2. Quando natus es * ineffabíliter ex Virgine, tunc implétæ sunt Scriptúrae: sicut plúvia in vellus descendísti, ut salvum fáceres genus humánium: te laudámus Deus noster.

3. Rubum quem víderat Móyses * incumbústum, conservátam agnóvimus tuam laudábilem virginitátem: Dei Génitrix intercéde pro nobis.

4. Germinávit radix Jesse: orta est stella ex Jacob: Virgo péperit Salvatórem: te laudámus Deus noster.

5. Ecce María * genuit nobis Salvatórem, quem Joáannes videns exclamávit, dicens: Ecce Agnus Dei, ecce qui tollit peccáta mundi, allelúia.

Capitulum. Tit. ij. c

Appáruit grátia Dei Salvatóris nostri ómnibus homínibus, erúdiens nos, ut abnegántes impietátem, et sæcularia desideria; sóbrie, et juste, et pie vivámus in hoc sæculo.

Hymnus.

A Solis ortus cárdine Ad usque terræ límitem, Christum canámus Príncipem, Natum María Virgine. **B**eátus Auctor sæculi Servíle corpus índuit: Ut carne carnem líberans, Ne pérderet quos cóndidit. **C**astæ paréntis víscera Cœlestis intrat grátia: Venter Puéllæ bájulat Secréta, quæ non nóverat. **D**omus pudíci pectoris Templum repénite fit Dei: Intácta nésciens virum, Concépit alvo Fílium. **E**nititur puérpera, Quem Gábriel prædixerat, Quem ventre Matris géstiens, Baptista clausum sènserrat.

Fœno jacére pértulit: Præsépe non abhórruit: Et lacte módico pastusest, Per quem nec ales ésurit. **G**audet chorus Cœlestium, Et Angeli canunt Deo; Palámque fit pastóribus Pastor, Créator ómnium. **J**esu, tibi sit glória, Qui natus es de Virgine, Cum Patre, et almo Spírítu, In sempitérna sæcula. Amen.

✠. Verbum caro factum est, allelúia. ✠. Et habitávit in nobis, allelúia.

Ad Bened. Añæ. Mirábile mystérium * decláratur hódie: innovántur naturæ, Deus homo factus est: id quod fuit permánsit, et quod non erat assúmpsit; non commixtió-nem passus, neque divisió-nem.

Oratio.

Deus, qui salutis æternæ, beatæ Mariæ virginitáte fecúnda, humano géneri præmia præstitisti: tribue quæsumus, ut ipsam pro nobis intercédere sentiámus, per quam merúimus auctórem vitæ suscipere Dóminum nostrum Jesum Christum Fílium tuum. Qui tecum vivit et regnat.